

գիւղին, Յոյնք, Լատինք ընդ որս և Հայք. եւ մեկնեալ անտի եկին յերուսաղէմ, և պատմեցին զամենայն զոր արարին և զոր ինչ պարգեւեաց Տէր ազգին Հայոց, որք են, հիւսիսային մասն եկեղեցւոյն, բանալի դրան ընկերովի ընդ Յոյնս . 10 կանթեղ, 2 պատկեր, 1 աշտանակ յԱյրին, և աւել ածել անդ . 1 կանթեղ և 1 պատկեր 'ի վերայ հիւսիսային դրան Այրին . բացայայտ ծանուցումն բաժանորդութեան Այրին . իսպառ բարձումն կուսղին 'ի փայտեայ դրանէ (1813 . 'ի 13 Նոյեմբերի) :

Գ Լ Ո Ւ Խ Լ Ե .

Բաժանումն եկեղեցւոյն Ս . Աստուածածնի : Կարգազրութիւն զարդաց և պատարագի և աւել ածութեան և այլ ամենայն իրաց հաւատար Յունաց : Բանք կարգազրութեան Պատարագին . Այրին և այլ ողատուց : Խառութիւն 'ի մէջ միաբանաց և ուխտաւորաց : Պատասխանի թղթոյն Պողոսի :

Չկնի անցանելոյ աւուրց ինչ՝ չորքան Դատաւորք եւ բազմութիւն այլազգեաց 'ի ձորն Գեթսէմանի, ուր է եկեղեցին և գերեզմանն Ս . Աստուածածնի . գնացին և գլխաւորք Հայոց եւ Յունաց : Բազմեցան յեկեղեցւոջ անդ կատարել եւ զգործ բաժանորդութեան նորին, Դատաւորն ետ գրել զսեփհականութիւնս Հայոց և Յունաց, եւ տեսին զի ամենայն ինչ յատկացեալ էր Յունաց, և սակաւ ինչ Հայոց . ապա ել Դատաւորն ինքնին շրջիլ տեսանել զտեղիսն, և ապա ըստ պատշաճի տնօրինել . եմուտ նախ 'ի սենեակն Յունաց 'ի կողմն Հիւսիսոյ 'ի վերայ աստիճանաց, և յատկացոյց զայն միայն Յունաց, եւ ապա 'ի սենեակն Հարաւային Յարեւմուտս 'ի ներքոյ աստիճանաց, որ ընկերովի էր Հայոց և Յունաց, և յատկացոյց զայն միայն Հայոց, հրամայեաց բառնալ անտի ըզկարասիս Յունաց : Գնացին 'ի դուռն Գերեզմանին, յայտարարին Հայք զառաջին սովորութիւնս և զիրաւունս իւրեանց զոր ունէին, Սակայն Դատաւորն աստ ևս կամեցաւ վարիլ նենդութեամբ եւ վնասել զՀայս, որպէս արար 'ի